



## Komunikadu Imprensa

17 Abríl 2020

### **JSMP husu ba entidade competente sira asegura ezekeusaun fundu Covid-19 tuir lei**

Parlamentu Nasionál iha 2 Abríl 2020 liu hosi reuniaun plenária extra-órдинáriu halo aprovasaun ba proposta Lei Nú. 13/V (2ª) kona-ba autorizasaun ba realizasaun transferénsia estraordinária husi Fundu Petrolíferu ho montante milliaun USD\$ 250.

Orsamentu ida ne'e ho nia finalidade ba despeza prevensaun Covid-19, Konta Jerál Tezoru no ba desenvolve política no programa iha âmbito prevensaun no combate Covid-19. Lei ida ne'e Prezidente Repúblika promulga iha 7 Abríl 2020.

“JSMP konsidera Fundu ida ne'e importante no urjente atu asegura mákina estadu nian liu-liu atu combate Covid-19 ne'ebé sai ameasa boot ba nasaun. Nune'e, JSMP husu ba entidade competente sira hanesan Parlamentu Nasionál no Komisaun Anti Korrupsaun (KAK) atu halo kontrolu máximu hodi asegura ezekeusaun orsamentu ne'e tuir lei no iha efetividade iha combate Covid-19”, dehan Casimiro dos Santos, Direitór Ezekutivu Interinu JSMP.

Atu asegura supervizaun ida ne'ebé dí'ak no efetivu, JSMP sujere atu Parlamentu Nasionál kria Komisaun Eventuál ida atu bele fokus no KAK presiza estabelese ekipa *task force* ida ne'ebé nia membru sira bele kompostu husi instituisaun relevante sira.

JSMP nafatin fó-hanoin ba parte relevante sira ne'ebé sei halo serbisu sira ne'e atu kontinua halo tuir mekanizmu no regra sira ba prevensaun Covid-19 nian, nune'e bele evita risku ba sira-nia an no ba nasaun tomak.

Husi totál orsamentu milliaun US\$250 ne'ebé aprovalu iha Parlamentu Nasionál, milliaun US\$ 150 sei aloka ba finansiametu medida prevensaun no combate moras COVID-19 iha âmbito Fundu COVID-19, milliaun US\$100 aloka ba Konta Jerál Tezouru no rihun US\$500 ba Parlamentu Nasionál atu desenvolve política no programa iha âmbito prevensaun no combate COVID-19. Osanmentu husi Fundu ho montante milliaun US\$150, sei utiliza ba sosa medikamentu, materiál no ekipamentu médiku, instalasaun no manuntensaun ba fatin sira iha kuarentena no izolamentu, formasaun no operacionalizasaun profisionál sira ne'ebé envolve iha prevensaun no combate moras COVID-19 no protesaun sosiál ba vítima moras Covid-19.

Rua Beco Lakateu, Aldeia Manu fuik,  
Suku Colmera, Administrativu Vera Cruz  
Dili Timor Leste  
PoBox: 275

Telefone: 3323883 | 77257466

Website: <http://jsmp.tl/>

[info@jsmp.tl](mailto:info@jsmp.tl)

Facebook: [www.facebook.com/timorleste.jsmp](https://www.facebook.com/timorleste.jsmp)

Twitter: @JSMPtl

Iha programa ne'e, entidade ne'ebé sei responsabiliza ba fundu ne'e mak Konsellu Jestaun ne'ebé sei jere husi membru Governu iha área finansa no saúde no fundu ne'e mós sei regula husi Governu ho lei espesifiku.

Atu hetan informasaun liutan favor kontaktu direktamente:

Casimiro dos Santos

Diretór Ezekutivu Interinu JSMP

Diresaun email: [casimiro@jsmp.tl](mailto:casimiro@jsmp.tl)

Telefone: 3323883 | 77257466

[www.jsmp.tl](http://www.jsmp.tl)